

նական քննութեան է դրուում երեք նիստում: Թեր եւ դէմ կողմերը, այդ երեք նիստերի ընթացքում, իրաւունք ունին վիճել, ճառել եւ իրենց տեսակէտները պաշտպանել: Չորրորդ նիստում օրինագիծը դրուում է քուէի. կողմերը պատասխանում են միայն «այո՛» կամ «ո՛չ», եւ խնդիրը լուծւում է ձայների հասարակ մեծամասնութեամբ, թէկուզ մէկ ձայնի առաւելութեամբ (ծէ):

Իոլոր պատգամաւորներն ունին մէկ-մէկ ձայն, բացի Հանրապետութեան նախագահից եւ հոգեւորականութեան ներկայացուցչից, որոնք երկ-երկու ձայն ունին, որովհետեւ նրանք ունին «պատիւ զօրութեան երկու արանց» եւ «երկու կամք» (ծէ, մլգ, մլտդ):

Այս ամբողջ գործողութեան ընթացքում անյայտ է, թէ ի՛նչ ճանապարհով են անցնում օրինագիծերը մինչեւ ազգ. ժողովի քննութեան հասնիլը — արդեօք յատուկ օրէնսդրական յանձնաժողովների մէջ են մշակւում նրանք եւ նրանց կողմից պարլամենտ մուծւում. դիւանի կամ Հանրապետութեան նախագահի կողմից են առաջարկւում, թէ՞ իւրաքանչիւր պատգամաւոր վայելում է օրէնքի նախաձեռնութեան իրարունքը:

Հեղինակի ընդհանրապէս ազատախոհ մտքերից թերեւս կարելի էր եզրակացնել, որ ամէն մի պատգամաւոր ունի օրինագիծեր առաջարկելու իրարունքը, թէեւ այդ մասին ոչ մի ակնարկ անգամ չենք նկատում «Որոգ. Փառացի»-ի մէջ: Սակայն զրա հետ միասին՝ աւելի հաւանական է ենթադրել, որ Հանրապետութեան նախագահը — կամ աւելի ճիշդ՝ գործադիր իշխանութիւնը — պէտք է լինի օրինագիծեր ներկայացնող գլխաւոր հիմնարկութիւնը:

Մեզ թւում է, որ Հանրապ. նախագահին կից եղած 12-ի խորհուրդը, օրէնքների մեկնաբանութեան հետ միասին — նման ոռուսական Կառավարիչ Անատին — գլխաւորապէս այդ պարտականութիւնը պիտի ունենայ, որովհետեւ նախ՝ այդ խորհրդին ուրիշ ոեւէ յատուկ գործառնութիւն չի վերապահուած, բայց եթէ յիշեցնել նախագահին «Հայոց անխախտելի օրէնքները». երկրորդ՝ խորհրդի անդամներից պահանջուող յատկութիւններն այդ են ապացուցում — «հեղ, երկայնամիտ,

տէր պատույ, սիրող ազգին եւ աշխարհին հայոց, առաքինութեամբ զարդարեալ, քաջախոհեան» (ծը, լսք) . եւ երրորդ՝ մինչդեռ բոլոր պաշտօնները երեք տարով են, խորհրդի անդամներն ընտրւում են ցմահ, ուրիշ խօսքով՝ նրանցից պահանջւում է աւելի փորձառութիւն եւ խղճի անկախութիւն ու գործելու աւելի ազատութիւն: Իսկ մենք զիտեմք, որ Շահամիրեանի կարծիքով՝ օրէնքն է այն դեղ-թափը, բուժիչ պանասէն, որ փրկութիւն եւ երջանկութիւն պիտի բերէ հայ ժողովրդին. հետեւապէս այդ օրէնքը մշակողներն ու առաջադրողները պէտք է լինեն ոչ սովորական պաշտօնեաներ եւ գործեն բոլորովին այլ պայմաններում:

Հայոց ազգ. ժողովի պատկերը լրացնելու համար՝ շատ հետաքրքրական է, թէ մեր հեղինակը ի՛նչպէս է իրեն պատկերացնում «Հայոց Տունը» եւ նրա մէջ տիրող կարգ ու սարքը:

Ազգ. ժողովի շէնքը կառուցւում է երկրի ամենամուր նահանգներից մէկի մայրաքաղաքում, ուր գտնւում է նաեւ Հանրապ. նախագահի ապարանքը: «Հայոց Տունը» պաշտպանւած է զօրեղ պահակով: Նրա մէջ կայ մի «խորան» կամ դահլիճ, արեւելքից արեւմուտք ձգւած: Դահլիճում, արեւելեան կողմում, չիտւած է երկու աստիճան, որոնցից առաջին աստիճանի վրայ դրուած է Հանր. նախագահի աթոռը: Նրանից դէպի աջ, երկրորդ աստիճանի վրայ, դրուած է դիւանի անդամներից տանուտէր արք. եպիսկոպոսի աթոռը եւ այնուհետեւ, ներքեւում, միւս պատգամաւորներից կէսի աթոռները, իրենց թիւերի կարգով: Նախագահի աթոռից դէպի ձախ, երկրորդ աստիճանի վրայ, գտնւում է դիւանի երկրորդ տանուտէր-անդամի աթոռը, նրա կողքին երրորդը, իսկ այնուհետեւ, ներքեւում, պատգամաւորներից մնացած կէսի աթոռները, կրկին թիւերի կարգով դրուած:

Իւրաքանչիւր պատգամաւոր ունի մի անգամ ընդ միշտ որոշուած ու համարակալուած իր աթոռը: Դահլիճի ճակատում բազմում է Հանրապետութեան նախագահը, ամենաբարձր աստիճանի վրայ: Նրա առջև դրուած է մի սեղան, վրան թազ եւ սուսեր: Արք-եպիսկոպոս տանուտէրի առջև եւս գտնւում է մի փոքրիկ